


唐詩類苑



唐詩類苑第六十八卷

仁和卓明卿澂父編輯

華亭張之象玄超

長洲毛文蔚豹孫同校

人部

宦情

王勃倬彼我系一首

倬彼我系出自有周公疆錫社派別枝流居衛仕宋
臣羸相刘迺武迺文或公或侯晉曆崩坼衣冠擾弊
粵自太原播徂江澨禮喪賢隱時屯道閉王室如毀

生人多殫伊我有器思逢其主自東旋西擇木開宇
田彼河曲家乎汾浦天人厭亂吾將誰輔伊我祖德
思濟九埏不常厥所干茲五遷欲及時也天豈願焉
其位雖屈其言則傳爰述帝制大蒐王道曰天曰人
是祖是考禮樂咸若詩書具草貽厥孫謀永爲家寶
伊余小子信慙明哲被網有條彼車有輒忠并人事
克終前烈於嗟代網卒余來緹來緹伊何謂余曰仕
我瞻先達三十方起夫豈不懷高山仰止願言毓德
啜枝飲水有鳥反哺其聲噉上言念舊德憂心忉忉
今我不養歲月其滔愧俛從役豈敢告勞從役伊何

薄求卑位告勞伊何來參卿事名存實爽負信愆義
靜言遐思中心是愧

張謐岳州作二首

水國生秋草離居再及瓜山川臨洞穴風日望長沙
物土南州異關河北信餘日昏聞鶴鳥地熱見修蛇
遠人夢歸路瘦馬嘶去家正有江潭月徘徊戀九華
夜夢雲闕間從容簪履列朝遊洞庭上緬望京華絕
潦收江未清火退山更熱重欲視欵醉情滯氣如噎
噐留魚鱉腥衣點蚊蚋血髮白思益壯心玄用彌拙
冠劍日苔蘚琴書坐廢撤唯有報恩字刻意長不滅

張說岳州行郡竹籬一首

山郡不滿郭荒屋無翳壅愛人忠主利善守閉爲勇
苟非小勤率安得其逸寵板築恐土踈襲城嫌役重
藩柵聊可固筠篁近易奉差池截浦沙繚遠綠隈隴
矗似長雲百森如高戟聳預絕豺狼憂知免牛羊恐
閭里寬矯步捧藜咨踏躡始果遊處心終日成閑拱
陪燕公行郡竹籬一首

良臣乃國禎麾守去承明外戶人無閉浮江獸已行
隨來晉盜逸民化蜀風清郭郭從彝典州閭荷德聲
小人被天溼流宅巴丘城所賴中和正優游鑿與耕

張九齡荊州作二首

先達志其太求意不約文士伸在知己已况仕於君
微誠夙所尚細故不足云時來忽易失事往良難分
顧念凡近姿焉欲殊常勲亦以行則是豈必素有聞
千慮且猶跌萬緒何其紛進士苟非黨免相安得羣
衆口金可鑠孤心絲共焚意忠仗朋信語勇同敗軍
古劔徒有氣幽蘭祇自薰高秩向所忝於義如浮雲

又

千載一遭遇往賢所至難問余奚爲者無階忽上搏
明聖不世出翼亮非苟安崇高自有配孤陋何足干

唐詩類苑 卷之六十八 人部
遇恩一時來竊位三歲寒誰謂誠不盡知穹力亦殫
雖致負乘寇初無挾術鑽浩蕩出江湖翻覆如波瀾
心傷不林樹自念獨飛翰狗義在匹夫報恩猶一殮
况乃山海澤效無毫髮端內訟已慙沮積毀今摧殘
胡為復惕息傷鳥畏虛彈

張九齡在郢秋懷二首

秋風入前休蕭瑟鳴高枝寂寞遊子思寤歎何人知
宦成名不立志存茂巴馳五十而無聞古人深所庇
平生去外飾直道如不羈未得操割效忽復寒暑移
物情自古然身退毀亦隨悠上滄江渚望上白雲涯

陛下霜且降澤中草離披蘭艾若不分安用馨香為

又

庭蕪生白露歲候感遐心策蹇斬遠途巢枝思故林
小人恐致寇終日如臨深魚鳥好自逸池籠安所欽
掛冠東都門採蕨南山岑議道誠愧昔覽分還愜今
無然憂成老空尔白頭吟

張九齡為郡一首

江流去朝宗晝夜茲不捨仲尼在川上子牟存闕下
聖達有由然孰是無心者一郡苟能化百城豈云寡
愛禮誰為羊恋主吾猶馬感初時不載思奮翼無假

閑宇常自閑沈心何用寫攬衣步前庭登俾臨曠野
白水生迢迢清風寄蕭洒願言采芳澤終朝不盈把

李白翰林讀書言懷呈集賢內諸學士一首

晨起紫禁中又待金門詔觀書散遺帙撥古窮至妙
片言苟會心掩卷忽而咲青蠅易相點白雪誰同調
本是踈散人屢貽福促誚雲天屬清朗林壑憶遊眺
或時清風來閒倚闌干咲嚴光桐廬溪謝客臨海嶠
功成謝人間從此一投釣

岑參衙郡守還一首

世事何反覆一身誰可料頭白翻拆腰歸家還自咲

所嗟無產業妻子嫌不調五斗未晉人東溪憶衝釣

王昌齡風涼原上作一首

陰沈宿雲歸烟霧濕松柏風淒日初曉下嶺望川澤
遠山無遺明秋水千里白佳氣盤未央聖人在凝碧
關門阻天下信是帝王宅海內方晏然廟堂有奇策
時貞守全運罷去遊說客余忝蘭臺人困尋免貽責

元結忝官引一首

天下昔無事僻居養愚鈍山野性所安熙然自全順
忽逢暴兵起間巷見軍陣將家瀛海濱自弃回芻糞
往在乾元初聖人啓休運公車詣魏闕天子垂清問

唐詩卷之六十八人部
王維詩本
敢誦王者箴亦獻當時論朝廷愛方直明主嘉忠信
屢授不次官曾與專征印兵家未嘗學榮利非所徇
偶得冤醜降功勞愧分寸爾來將四歲慚耻言可盡
請取冤者辭爲吾忝官引冤辭何者若縣邑餘灰燼
冤辭何者悲生人蓋鋒刃冤辭何者甚力役遇勞困
冤辭何者深孤弱亦哀恨無謀救冤者祿位安可近
而可愛軒裳其心又干進此言非作戒此言敢貽訓
實欲辭無能歸耕守吾分

高適封丘縣一首

我本漁樵孟諸野一生自是悠悠者乍可狂歌草澤

中寧堪作吏風塵下祗言小邑無所爲公門百事皆
有期拜迎官長心欲碎鞭撻黎庶令人悲歸來向家
問妻子舉家盡咲今如此生事應須南畝田世情付
與東流水夢想舊山安在哉爲銜君命日遲迴乃知
梅福徒爲爾轉憶陶潛歸去來

高適封丘作一首

州縣才難適雲山道欲窮揣摩點吏棲隱謝愚公

高適初至封丘作一首

可憐薄暮宦遊子獨卧虛齋思無已去家百里不得
歸到官數日秋風起

唐詩類苑 卷之六十八 詩 七
張九齡在洪州荅綦毋學士一首

旬雨不愆期由來自若時
爾無言郡政吾豈欲大期
常念捐塵益惟懼草樹滋
課成非所擬人望在東菑
岑參初至捷為作一首

山色軒檻內灘聲枕席間
草生公府靜花落訟庭閑
雲雨連三峽風塵接百蠻
到來能幾日不覺鬢毛斑
岑參初授官題高冠草堂一首

三十始一命宦情都欲闌
自怜無舊業不敢耻微官
澗水吞樵路山花醉藥欄
祗緣五斗米辜負一漁竿
岑參題虢州西樓一首

不作西河尉淒涼為折腰
老夫怕趨走率府且逍遙
耽酒湏微祿狂歌託聖朝
故山歸興盡回首向風颯

張說相州冬日早衙一首

城外宵鍾斂閨中曙火殘
朝光曜庭雪宿凍聚池寒
正色臨廳事疑詞定筆端
持苛囹圄息伐枳吏人寬
河內功猶淺淮陽疾未安
鏡中星影變頓使世情闌
張九齡初發道中贈王元馬兼寄諸公一首

昔歲嘗陳力中年退屏居
承顏方弄鳥放性或觀魚
曾是安疵折誠非議卷舒
林園事益簡烟月賞恒餘
不意棲愚谷無階奉詔書
湛恩均大造弱植愧空虛

唐詩類苑 卷之六十八 公詩
肅命趨僦闕僑裝撫傳車念行開祖悵憐別降題輿
訕謂風期許叨延禮數除義沾投分末情及解携初
追餞扶江界并輝燭里閭子雲應寂寞公緒為吹噓
景物春來異音容日回踈川原行稍穩鐘鼓聽猶徐
林隔王公輦雲迷班氏廬恋親唯委咽思德更躊蹰
循義當由此懷安乃闕如願酬明主惠行矣豈徒歟
遭讒

員半千隴右途中遭非語一首

趙有兩毛遂曾聞二曾參慈母猶且惑况在行路心
冠冕無醜士賄賂成知己名利我所無清濁誰見理

弊服空庭春緩帶不着身出遊非懷璧何憂乎忌人
正須自保愛振衣出風塵

沈佺期被彈一首

知人昔不易舉非貴易失尔何按國章無罪見呵叱
平生守直道遂為眾所嫉少以文作吏手不曾開律
一旦法相持荒忙意如漆幼子雙囹圄老夫一念室
昆弟而三人相次俱囚桎萬鏢當眾怒千謗無片實
庶以白黑讒顯此涇渭質劾吏何咆哮長夜聞撲扶
事間拾虛證理外存枉筆懷痛不見申抱冤竟誰悉
窮囚多垢膩愁坐饒蟣虱三日唯一飯兩旬不再櫛

唐詩卷之二十八
是時盛夏中曠赫多瘵疾瞪目眼欲閉喑鳴氣不出
有風自扶搖鼓蕩無倫匹安得吹浮雲令我見白日

李白上雀相百憂章一首

共工赫怒天維中摧鯤鯨噴蕩揚濤起雷魚龍陷人
成此禍胎火焚崑山玉石相髓仰希霖雨洒寶炎煨
箭發石開戈揮日迴鄒衍慟哭燕霜颯來微誠不感
猶繫真臺蒼鷹搏攫舟棘雀鬼豪聖凋枯王風傷哀
斯文未喪東岳豈頽穆迓楚難鄒脫吳災見機若遲
二公所哈驥不驟進鱗何來哉星離一門草擲二孩
萬憤結習憂從中催金瑟玉壺盡為愁媒舉酒太息
泣血盈盃台星再朗天綱重恢屈法申恩弃瑕取材
冶長非罪尼父無猜覆盆儻舉應照寒灰

李白雪詭詩贈友八一首

嗟余沈迷倡獫已久五十知非古人常有立言補過
庶存不朽包荒匿瑕蓄此煩醜月中致譏貽愧皓首
感悟遂晚事往日遷白壁何辜青蠅屢煎羣輕折軸
下沉黃泉衆毛飛骨上陵青天漉斐暗成貝錦粲然
泥沙聚埃珠玉不磷洪滔爍山發自織烟滄波蕩日
起于微涓交亂四國播于八埏捨塵掇蜂疑聖猜賢
哀哉悲夫誰察余之貞堅彼人之猖狂不如鵲之疆

唐詩類苑 卷之六十一 婦人部 九十一
疆彼婦人之淫昏不如鷄之奔也坦蕩君子毋悅簧
言擢髮贖罪也乃孔多傾海流惡也無以過人生實
難逢此織羅積毀銷金沈憂作歌天未喪文其如余
何姬已滅紂褒女惑周天維蕩覆載此之由漢祖呂
氏食其在傍秦皇成后毒亦姪荒端竦作昏遂掩太
陽萬乘尚尔匹夫何傷辭嬋意穹離婁至明神靡遁
響鬼无逃形不我遐弃庶昭忠誠

李白惧讒一首

二桃殺三士詎假劍如霜衆女妬娥眉雙花竟秦芳
魏姝信鄭襄掩袂對懷王一惑巧言子朱顏成死傷

行將泣團扇戚戚愁人腸

李白送薛九被讒去魯一首

宋人不辨王魯賤東家丘我咲薛夫子胡爲西地遊
黃金銷衆口白璧竟難投梧桐生蒺藜綠竹乏佳實
鳳凰宿誰家遂與群雞匹田家養老馬窮士歸其門
蛾眉咲躡者賓客去平原却斬美人首三千還駿奔
毛公一挺劍楚趙兩相存孟嘗悅狡兔三窟賴馮諼
信陵奪兵符爲川侯生言春申一何愚刎首爲李園
賢哉四公子撫掌黃泉裡借問咲何人咲人不好士
爾去且勿誼桃李竟何言沙丘無漂母誰肯飯王孫

李白萬憤辭投魏即中一首

海水渤潏人羅鯨鯢
胡沙而四塞始滔天於燕齊
何八龍之浩蕩遷白日於秦西
九土星分噉七悽化
南冠君子呼天而啼
恋高堂而掩泣淚血地而成泥
獄戶春而不草
独幽怨而沈迷
兄九江弟三峽悲
羽化之難齊穆陵關北
愁愛子豫章天南隔老妻一
門骨肉散百草遇誰不復相提携
樹榛枝桂囚鸞寵
雞舜昔授禹伯成耕犁德自此衰
吾將安栖好我者
恤我不好我者何忍
臨危而相擠子胥
鴟夷彭越醢
醢自古豪烈胡為此
繫蒼七之天高乎視低如其聽

卑脫我牢狴倘辦美玉君收白珪

貶謫

高適送田少府貶蒼梧一首

沉吟對遷客惆悵西南天
昔為一官未得意今向萬
里令人怜念茲斗酒成
睽間停舟嘆若日將宴
遠樹應連北地春行人
却羨南歸鴈丈夫窮達
未可知看君不合長數
奇江山到處堪乘興楊
柳青七那足悲

賈至貶岳州司馬巴陵寄朝中丈人一首

江南春草初冪冪
愁殺江南独愁客
秦中楊柳也應
新轉憶秦中相憶人
萬里鶯花不相見
登高一望淚

沾巾

王昌齡送任五之桂林一首

楚客醉孤舟，越水將引棹。山爲兩鄉別，月帶千里貌。
羈縻同繒綸，僻幽聞虎豹。桂林寒色在，苦節知所效。
孟浩然江上別流人一首

以我越鄉客，逢君謫居者。分飛黃鶴樓，汎岩蒼梧野。
駟使乘雲去，征帆汭溜下。不知從此分，還袂何時把。

李白送郗昂謫巴中一首

瑤草寒不死，移植滄江濱。東風洒雨露，會入天地春。
余苦洞庭葉，隨波送逐臣。思歸未可得，書此謝情人。

李白流夜郎求華寺寄潯陽郡官一首

朝別陵烟樓，暝投永華寺。賢豪滿什舟，賓散予獨醉。
願結九江流，添成萬行淚。寫意寄廬岳，何當來此地。
天命有所懸，安得若愁思。

李白流夜郎至西塞驛寄裴隱一首

楊帆借天風，水駟苦不緩。平明及西塞，已先投沙畔。
廻巒引郡峰，橫蹙楚山斷。砥衝萬壑會，震杳百川蒲。
龍恠潛溟波，候時救災旱。我行望雷雨，安得沾枯散。
鳥去天路長，人悲春光短。空將澤畔吟，寄尔江南管。
李白竄夜郎於烏江留別宋十六璟二首

君家全盛日台鼎何陸離
斬鰲翼禍現鍊石補靈維
一迴日月顧三人鳳凰池
失勢青門傍種瓜復幾時
猶會舊賓客三千光路岐
皇恩雪憤憇松栢舍榮滋
我今東牀人令妹忝齊眉
浪跡未出世空名動京師
適遭雲羅解翻謫夜郎悲
拙妻莫邪劍及比二龍隨
慙君湍波若千里遠泛之
白帝曉猿斷黃牛過客遲
遙泊明月峽西去益相思

志人固不羈與道常周旋
進則天下仰已之能晏然
褐衣東府召執簡南臺先
雄義每特立犯顏豈徒全
謫居東南遠逸氣吟芳荃
適會寂廓趣清波更黃緣

扁舟入五湖發纜洞庭前
浩蕩臨海曲迢迢濟江篇
微奇忽忘返遇興將弥年
乃悟范生知足知漁父賢
郡臨新安渚佳氣比城偏
日夕多層岫雲霞映晴川
閑居恋秋色偃卧舍真堅
倚伏自恒化行藏亦推遷
君其振羽翻歲晏將冲天

張說嶺南送使二首

獄中生白髮嶺外罷紅顏
古來相送處凡得幾人還
萬里投荒裔來時不見親
一朝成白首看取報家人

張均流合浦嶺外一首

瘴江西去火爲山
炎徼南窮鬼作關
從此更投八境

唐詩類苑 卷之六十一 八人詩 一
外生涯應在有無間

李白聞王昌齡左遷龍標遙有此寄一首

楊花落盡子規啼聞道龍標過五溪我寄愁心與明月隨風直到夜郎西

李白邑陵贈賈舍人一首

賈生西望憶京華湘浦南遷莫怨嗟聖主深恩漢文帝怜君不遣到長沙

賈至送南給事貶崖州一首

疇昔丹墀與鳳墀卽今相見兩相悲朱崖雲夢三千里欲別俱爲慟哭皆

賈至岳陽樓重宴別士八員外貶長沙一首

江路東連千里潮青雲北望紫微遙莫道巴陵湖水闊長沙南畔更瀟條

王昌齡寄陶副使一首

聞道將軍破海門如何遠謫渡湘沅春未明主封西岳自有還君紫綬恩

王昌齡寄穆侍御出幽州一首

一從恩譴渡瀟湘塞北江南萬里長莫道薊門書信少鴈飛猶得到衡陽

王昌齡送崔參軍往龍溪一首

唐詩類苑 卷之六十八 龍溪即在龍標上秋月孤山兩相向譴謫離心是丈夫鴻恩共待春江漲

王昌齡送吳十九往沅溪陵一首

沅江流水到辰陽溪口逢君驛路長遠謫誰知望雷雨明年春水共還鄉

張說嶺南送使一首

秋鴈逢春返流人何日歸將子去國淚洒子入鄉衣飢狄啼相聚愁猿啼更飛南中不可問書此示京畿

張說南中別士陵成崇一首

握手與君別岐路贈一言暫卿禮立公子楚媪頤玉孫

候尔生六翮七飛戾九門常懷客鳥意會答主人恩

張說南州別蔣五向青州一首

老親依北海賤子弃南荒有泪皆成血無聲不斷腸此中逢故友彼地送還鄉願為楓林葉隨君渡洛陽

張說南中別陳七李十一一首

二年共遊處一旦各西東請君聊駐馬看我轉征蓬画鷁愁南海離駒向北風何時侶春鴈雙入止林中

張說端州別高六戩一首

異壤同羈竄途中喜共過愁來時舉酒勞罷或長歌南海風潮壯西江瘴癘多於焉復分手此別傷如何

唐詩卷之六十八 張說

張說留贈張御史張判官一首
旅竄南方遠傳聞北使來
舊庭知玉樹合浦識珠胎
白髮因愁改丹誠託夢迴
皇恩若再造爲憶不然灰
張說贈高六戡一首

北極辭明代南溟宅放臣丹誠由義盡
白髮帶愁新
鳥墮炎州氣花飛洛水春
平生歌舞席誰憶不歸人

高適送張璠貶五溪尉一首

他日維貞幹明時懸鎮鉞江山遙去國
妻子獨還家
離別無嫌遠沈浮勿強嗟
南登有詞賦知尔吊長沙

高適送鄭侍御謫閩中一首

謫去君無恨閩中我舊過
大都秋鴈少只是夜猿多
東路雲山合南天瘴癘和
自當逢雨露行矣慎風波

玉維被出濟川一首

微官易得罪謫去濟川陰
執政方持法明君無此心
閩閩河潤上井邑海雲深
縱有歸來日應愁年髮侵
李白放後遇恩不沾一首

天作雲雨來沛然德澤開
東風日本至白雉越裳來
獨弃長沙國三年未許回
何時入宣室史問洛陽才
張子容求嘉作一首

拙宦從江左投荒更海邊
山將孤嶼近水共惡溪連

地濕梅多雨潭蒸竹起烟未應悲晚發炎瘴苦華年
張子容貶樂城尉一首

竄謫邊窮海川原近惡溪有昔聞虎嘯無夜不猿啼
地暖花常發嵩高日易低故鄉可憶處遙指斗牛西

王維送楊少府貶郴州一首

明到衡山與洞庭若為秋月聽猿聲愁看北渚三湘
遠惡說南風五兩輕青草瘴時過夏口白頭浪裡出
淪城長沙不久留才子賈誼何須吊屈平

高適送李少府貶陝中王少府貶長沙一首

嗟君此別意何如駐馬御盃問謫居巫峽啼猿數行

淚衡陽歸鴈幾封書青楓江上秋天迷白帝城邊古
木疎聖代卽今多雨露暫時分手莫躊躇

杜甫送鄭十八虔貶台州司戶參軍傷其臨

老陷賊之故關回面別情見于詩一首

鄭公樗散髮如絲酒後常稱老畫師萬里傷心嚴譴
日百年垂死中興昔倉惶已就長途往邂逅無端出
餞遲便與先生應永訣九重泉路畫交期

沈佺期神龍初廢逐南荒途郴口比望蘇耽

山一首

少曾讀仙史知有蘇耽君流望來南國依然會昔聞

唐詩類苑 卷之六十一 八 部 一 七 蘇 州 本
泊州問耆老遙指孤山柳雲孤山柳郡北與衆山群
重省下縈映繚嶢山紛七碧峰泉附落紅樹水傍分
選地今方尔升天因可云不才予竄迹羽化子遺芬
將覽成麟鳳旋警禦鬼文此中迷出處含思独氛氲

沈佺期入鬼門關一首

昔傳瘴江路今到鬼門關土地無人老流移幾客還
自從別京洛頽髮與衰顏夕宿舍沙裡晨行岡路間
馬危千仞谷舟險萬重灣問我投何地西南盡百蠻
沈佺期從驩州廨宅移住山間水亭贈蘇使

君一首

遇坎即乘流西南到火州鬼門應苦夜瘴浦不宜秋
歲貸曾穿老朝飛鼻飲頭死生離骨肉榮辱間朋遊
棄置一身在平生萬事休鷹鷂遺誤逐豹虎怯真投
憶昨京華子傷今邊地囚願陪鸞鵠樂希並鷓鴣留
日月逾鄉思烟花換客愁幸逢蘇伯士回借水亭幽
山栢張青蓋紅蕉捲綠油乘閑無火宅因放有漁舟
邊越心當是居夷迹可求古來堯禪舜何必罪驩兜

沈佺期赦到不得歸題江上石一首

客住東京裡身投南海西風烟萬里隔朝夕幾行啼
聖主謳歌洽賢臣法令齊忽聞桐柱使走馬報金鷄

唐詩卷之二十九 八音 一八
棄市沾恩溼投荒漏紫泥
覓疲山鶴路心醉站鳶溪
天鑒誅元惡宸慈恤遠黎
五方思奇恐萬姓嬉燃臍
自幼輸丹懇何嘗玷白圭
承言竄遐魅雪枉間深狴
墳壘無由謁京華豈重躋
炎方誰謂廣地盡覺天低
百卉雜殊恠昆蟲理賴睽
閉藏元不熱搖落反生莢
瘧瘴因慈苦窮愁益復迷
火雲蒸毒霧陽雨濯雲霓
周來安交趾王恭輯書題
少寬穿涸鮒猶愍觴藩羝
醜宅隣州廨畦苗接野畦
山空歡聞象江靜見游犀
翰墨思諸季裁縫憶老妻
小兒應離襃幼女未攀笄
夢蝶翻無定著龜詎有倪
誰能竟此曲曲盡氣酸嘶

沈佺期答魑魅代書寄家人一首

魑魅來相問君何失帝鄉
龍鐘辭北闕躑躅守南荒
覽鏡怜雙髮沾衣惜萬行
抱愁那去國將老便垂裳
影荅余也歲恩思宦洛陽
三春給事省五載尚書郎
黃閣遊鸞署青纁御史香
扈巡行太液陪宴坐明光
渭北昇高苑河南拔禊場
烟花恒獻賦泉石每稱觴
暇日從休瀚高舟映道傍
迎賓就丞相選士謁昭王
侍寵言猶得承歡謂不忘
一朝貽厚譴五宅竟同防
克堅曾驅策權豪豈易當
款顏凶侍從接武在文章
且惧威非贊寧知心是狼
身幽納履誤情爲覆盆傷

可難緣成業非閑行昧藏喜逢今改旦正朔復歸唐
河讖隨龍馬天書逐鳳凰朝容欣舊則宸化美初綱
告善雕旌建叔寃歸旆張宰臣便獻納郡守各明揚
禮樂移三絕舟車會八方雲沙降白遂秦隴獻燒當
三赦重天造千推極國祥大招思復楚役俾限惟桑
漲海懸真臆崇山壓古棠雕題飛棟宇儋耳間衣裳
伏枕神餘劣加飡力未強空庭遊羽萃窮巷倚桃榔
緣体分殊昔四眸究異常吉凶恒委卿年壽會詢唐
家本傳清白官移重掛牀上京無薄產故里絕窮莊
碧玉先昔費蒼頭此自將興言嘆家口何處侍羸糧

計吏從都出傳文大小康除降沾二弟離析已三房
劔外懸銷骨荆南預斷腸音塵黃耳間夢想白眉良
從此單棲鶴御雛願遠翔何堪萬里外雲海已淇汜
戚屬其胡越聲名任糝糠由來休憤命七也信蒼七
獨坐尋周易清晨味老莊此中因悟道無問入猖狂

張說石門別楊六卿望一首

燕人同竄越萬里自相哀影響無期會江山此地來
暮年傷汎梗累日慰寒灰潮水東南落浮雲西北回
俱看石門遠倚棹兩悲哉

張說南中送北使二首

傳聞合浦葉曾向洛陽飛何日東風至還隨北使歸
紅顏渡嶺歎白首對秋哀高歌何由見層堂不可違
誰怜炎海曲淚盡白沾衣

待罪居重譯窮愁暮兩秋山臨鬼門路城繞瘴江流
人事今如此生涯自可求逢君入鄉縣傳我念京州
別恨歸途遠離言暮景遒夷歌翻淚下蘆酒未消愁
聞有胡兵急深懷漢國羞和親先是詐款塞果為讎
釋繫應分爵縲徒畿後侯庶頗誠未老孫叔且無謀
若道馮唐事皇恩尚可收

孟浩然送王昌齡之嶺南一首

洞庭去遠近楓葉早驚秋峴首羊公愛長沙賈誼愁
土風無縞紵鄉味有查頭已抱沈疴疾更貽魑魅憂
數年同筆硯茲夕聞衾稠意氣今何在相思望斗牛

李白送竇司馬貶宜春一首

天馬白銀鞍親承明主歡闢鷄金宮裡射鴈碧雲端
堂上羅中貴歌鐘清夜闌何言謫南國拂劍坐長歎
趙璧為誰點隋珠枉被彈聖朝多雨露莫厭此行難

鄧綰貶降王汝州廣城駟一首

近郊憑汝海遐服指江干尚憶趨朝貴方知失路難
曙宮平樂遠秋澤廣城寒岸葦就花白山黎晚葉丹

唐詩類苑 卷之六十八 部 十一
卿閑千曳暮歲序四時闌亟塞雲間別旋門霧裏看
夙年追駮驪暮節仰鶴鸞疲駕勞垂耳騫騰遽矯翰
將調梅鉉實不正李園冠荆玉終無玷隋珠忽已彈
曉裝違鞏洛夕夢在長安北上頻傷阮西征未學潘
傾車無共轍同派有珠闌去七懷知己何由報一餐
棄官

李頎不調歸東川別業一首

寸祿言可取託身將見遺慚無匹夫志悔與名山辭
綬鼻謝知已林園多後時葛巾方濯足蔬食但垂帷
十室對河岬漁樵祇在茲清郊香杜若白水映茅茨

晝景徹雲樹夕陰澄古達渚花獨開晚田鶴靜飛遲
且復樂生前賢爲我歸開歌聊鼓揖永日望佳期
王維送綦毋校書棄官還東江一首

名時久不達弃置與君同天命無怨色人生有素風
念君拂衣去四海將安窮秋天萬里靜日暮澄江空
清夜何悠七扣舷明月中和光魚鳥際淡尔蕪葭叢
無庸客昭世衰髮白如蓬頑踈暗人事僻陋遠天聰
微物縱可採其誰爲至公余亦從此去歸耕爲老農

高適崔司錄宅燕大理李卿一首

多雨殊未已秋雲更沉七洛陽故人初解印山東小

唐詩卷之六十八
吏來相尋上卿才大名不朽早朝至尊莫求友豁達
常推海內賢殷勤但酌樽中酒飲醉欲言歸剡溪門
前駟馬光照衣路傍觀者徒唧唧我公不以爲是非

薛據初去郡齋書情一首

肅徒辭汝頓懷古獨淒然尚想文王化猶思巢父賢
時移多讒巧大道竟誰傳况見疾風起悠悠旌旆懸
征鴻無返翼歸流不似川已經霜雪下仍驗松栢堅
回首望城邑迢七雲間志士不傷物小人皆自妍
感時唯責已 在道非怨天從此適樂土東歸得幾年

杜甫送孔巢父謝病歸遊江東兼呈李白一

首

巢父掉頭不肯住東將入海隨烟霧詩卷長留天地
間釣竿欲拂珊瑚樹深山大澤龍蛇遠春寒野陰風
景暮蓬萊織女回雲車指點虛無引歸路自是君身
有僊骨世人那得知其故惜君只欲苦死留富貴真
如 上頭露蔡侯靜者意有餘清夜置酒臨前除罷琴
惆悵月照席幾歲寄我空中書南尋禹穴見李白道
甫問訊今何如

杜甫送賈閣老出汝州一首

西掖梧桐樹空留一院陰艱難歸故里去住損春心

官殿青門隔雲山紫邏深人生五馬貴莫受二毛侵

楊炯送李庶子致仕還洛一首

此地傾城日由來供帳奢亭逢李廣麟門接邵平瓜
原野烟氛匝関河遊望賒白雲斷岩岫綠草覆江沙
詔賜扶陽宅人榮御史車灞池一相送流涕向烟霞

罷官

岑參送宇文南金放後歸太原寓告因呈太

原郝主簿一首

歸去不得意北京関路賒却投晋山老愁見汾陰花
翻作灞陵客憐君丞相家夜眠旅舍兩曉醉春城鴉

送君繫馬青門口胡姬壚頭歡君酒為問太原賢主
人春來更有新詩否

无結與党評事一首

自顧無功勞一歲官冉遷跼身班次中常竊愧耻焉
加以久荒良懣遇性頗全未知在冠冕不合無拘牽
勤強所不及於人或未然豈忘惠君子恕之識見偏
且欲因我心順為理化先彼云萬物情有願隨所便
愛君得自遂今我思淵然

張謂同孫搆免官後登薊門一首

昔在五陵時年少心亦壯常矜有奇骨必是封侯相

東走到營辨投身事邊將一朝去鄉國千載履停障
陪曲皆武夫功成不相讓猶舉虜塵動更取怀胡帳
去年大將軍忽負柴生謗北別傷士卒南遷死炎瘴
漢洛悲無成行登薊丘上長安三千里日夕西南望
寒沙榆塞沒秋水灤河漲策馬從此辭雲山保閑放

李白贈漢陽輔錄事一首

鴛鴦洲橫漢陽渡水引寒烟沒江樹南浦登樓不見
君七今罷官在何處漢口雙魚白錦鱗今傳尺素報
情人其中字數何多少祇是相思秋復春

李適之罷相作一首

避賢初罷相樂聖且銜杯為問門前客今朝幾個來

李白贈漢陽輔錄事一首

聞君罷官意我抱漢川湄借問久踈索何如聽訟時
天清江月白心靜海鷗知應念投沙客空餘吊屈悲

岑參送顏少府投鄭州一首

一尉便垂白數年惟草玄出關巢匹馬逆旅聞秋蟬
愛客多酒債罷官無俸錢知君羈思少所適主人賢

唐詩類苑第六十八卷終

唐詩類苑 卷之六十八 人部 十三

李太白即夢遊詩神韻一首

李太白即夢遊詩神韻一首

唐詩類苑第六十九卷

仁和卓明卿澂父編輯

華亭張之象玄超

長洲毛文蔚豹孫同校

人部

疾病

宋之間溫泉莊卧病寄楊七炯一首

多病卧茲嶺寥七倦幽獨賴有嵩丘山高枕長在目
茲山棲灵異朝夜翳雲族是日濛雨晴返景入巖谷
羃七澗畔草青七山下木此意方無窮環顧悵林楚

唐詩類苑 卷之六十八 詩一
伊洛何悠漫洲源信重復夏餘鳥獸蕃秋末禾黍孰
兼願守樊圃歸閑欣藝牧惜無載酒人徒把涼泉掬

王維與胡居士皆病寄此詩兼示學人二

首

一興微塵念橫有朝露身如是覩蔭界何方置我人
得有固爲主趣空寧捨賓洗心詎懸解悟道正迷津
因愛果生病從貪始覺貧色聲非彼妄浮幻即吾真
四達竟何遺萬殊安可塵胡生但高枕寂寞與誰隣
戰勝不謀食理齊耳負薪子若未始異詎論踈與親

又

浮空徒漫漫汎有定悠七無乘及乘者所謂智人舟
詎者貧病域不疲生死流無煩君喻馬任以我爲牛
植福祠迦葉求仁笑孔丘何津不鼓棹何路不摧輶
念此庸思者胡爲多阻修空虛花聚散煩惱樹稀稠
滅想成無記生心坐有求降吳復歸蜀不到莫相尤

王維胡居士卧病遺米因贈一首

了觀四大困根性何所有妄計苟不生是身孰休咎
色聲何爲客陰界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
卽病卽實相趨空定狂走無有一法真無有一法垢

居士素通達隨宜善抖擻牀上无毡卧鍋中有粥否
齊時不乞食定應空漱口聊持數斗米且救浮生取

孟浩然晚春卧病寄張八一首

南陌春將晚北窓猶卧病園林久不遊草木一何盛
狹逕花漳迷閑庭竹掃淨翠羽戲蘭苕煎鱗動荷柄
念我平生好江鄉遠從政雲山阻夢思衾枕勞歌詠
歌詠復何爲同心恨別離世途皆自媚流俗寡相知
賈誼才空逸安仁髮欲絲遙情每東注奔晷復西馳
常恐填溝壑无由振羽儀窮通若有命欲向論中推

李白途中病還一首

聞李太尉大舉秦兵百萬出征東南懦夫清纓
冀由一割之用半道病還留別金陵省侍御十
九韻

秦出天下兵蹴踏燕趙傾黃河飲馬歇赤羽連大明
太尉仗旄鉞垂旗繞彭城三軍授號令千里肅雷霆
函谷絕飛鳥武關擁連營意在斬巨鰲何論鱸長鯨
恨無左車畧多愧魯連生拂劍照嚴霜彫戈蔓胡纓
願雪會稽耻將期報恩榮半道謝病還無因東南征
亞夫未見顧劇孟阻先行天奪壯士心長吁別吳京
金陵遇太守倒屣欣逢迎群公咸祖餞四座羅朝英

唐詩卷之六 九人部 三 宋齊周本
初發臨滄觀醉栖征虜亭舊國見秋月長江流寒聲
帝車信迴轉河漢縱復橫孤鳳向南海飛鴻北辭溟
因之出寡廓揮手謝公卿

李白淮南卧病書懷寄蜀中趙徵君蕤二

首

吳會一浮雲飄如遠行客功業莫從就歲華屢奔迫
良圓俄弃捐衰疾乃絲劇古琴藏虛匣長劍挂空壁
楚冠懷鍾儀越吟比莊舄國門遙天外鄉路遠山隔
朝憶相如臺夜夢子雲宅旅情初結緝秋氣方寂歷
風入松下清露出草間白故人不可見而我誰與適

寄書西飛鴻贈尔慰離析

杜甫病後過王倚飲贈歌一首

麟角鳳嘴世莫識煎膠續絃奇自見尚看王生抱此
懷在於甫也何由羨且遇王生慰疇昔素知賤子耳
貧賤酷見凍餒不足耻多病沉年苦無健王生怪我
顏色惡蒼云伏枕艱難遍瘧癘三秋孰可忍寒熱百
日相交戰頭白即暗坐有肌肉黃皮皺命如綫惟生
哀我未平復為我力致美殺膳遣人向市賒香粳喚
婦出房親自饌長冬菹酸且綠金城土酥靜如練
兼求畜豕日割鮮密沽斗酒諧終宴故人情味晚誰

似令我手脚輕，欲旋老馬爲駒。恐不虛當時得意况，深眷但使殘年飽喫飯，只願無事長相見。

杜甫老病一首

老病巫山裏，稽留楚客中。藥殘他日累，花發去年叢。夜足沾沙雨，春多逆水風。合分雙賜筆，猶作一飄蓬。

杜甫耳聾一首

生年鶻冠子，歎世鹿皮翁。眼復幾時暗，耳從前月聾。猿鳴秋澗缺，雀噪晚愁空。黃落驚山樹，呼兒問朔風。

杜甫江閣卧病走筆寄呈崔盧兩侍御一首

客子庖厨薄，江樓枕席清。衰年病祗瘦，長夏想爲情。滑憶彫胡飯，香聞錦帶羹。溜匙蕪暖腹，誰欲致杯罍。岑參虢州卧疾喜劉判官相過水亭一首

卧疾嘗晏起，朝來頭未梳。見君勝服藥，清話病能除。低柳供繫馬，小池堪釣魚。觀棋不覺暝，月出水亭初。李季蘭湖上卧病喜陸鴻漸至一首

昔去繁霜月，今來若霧時。相逢仍卧病，歡語淚先垂。強勸陶家酒，還吟謝客詩。偶然成一醉，此處更何之。

駱賓王和孫長史秋日卧病一首

霍地踈天府，潘園近帝臺。調絃三婦至，置驛五侯來。

尚想歡娛洽吁嗟歲月催金壇分上將玉杖引瓌材
決勝鯨波靜騰謀鳥谷開白雲淮水外紫陌灞陵隈
節戀驚衰柳笳繁思落梅調神和王燭揆藻握珠胎
悵矣欣懷土居然欲死灰還因承雅曲暫喜躍沉鯁
陳子昂秋園卧疾呈暉上人一首

幽寂曠日遙林園轉清密疲疴淡無豫獨坐沈吟瑟
懷挾萬古情憂虞百年疾綿綿多滯念忽忽每如失
緬想赤松遊高尋白雲逸榮客始都喪幽人遂貞吉
圖書紛滿床山水藹盈室宿昔心所尚平生目茲畢
願言誰見知梵筵有同術八月高秋晚涼風正瀟颯

陳子昂卧疾家園一首

世上無名子人間歲月賒縱橫策已弃寂寞道爲家
卧疾誰能問閑居空物華猶憶灵臺友棲真憇太霞
還丹奔日御却老餌雲芽寧知白社客不厭青門瓜
李嶠田假限疾獲還莊載想田園兼思親友

贈杜幽素一首

遊宦勞辛網風塵久化衣迹馳東苑路望阻北巖扉
及此乘休告聊將狎遁肥十旬俄委疹三逕且殊歸
茂陵宵難即灵臺暫可依疲疴旅城寺延想屬郊畿
夕夢園林是晨瞻邑里非綠疇良已穢清濠嘯不追

野花何處落山月幾秋暉彼美符商政優游絕漢機
高情物累遣逸氣烟霞飛樂道方無悶懷賢獨有違
樽虛舊園酒琴靜故人微夏沼蓮初發秋田麥稍稀
何當携手去日暮採芳菲

孟浩然家園卧病舊遊見尋一首

伏枕舊遊曠笙歌勞夢思平生重交結迨此令人疑
水室無暖氣火雲空赫曦隙駒不暫駐日聽涼蟬悲
壯圖哀未立班白恨吾衰夫子自南楚緬懷嵩汝期

孟浩然卧疾懷歸一首

異縣天隅僻孤帆海畔過往來鄉信斷留滯客情多

曠日聞雷震東風感歲和蟄虫驚戶穴巢鵠盼庭柯
徒對芳樽酒其如伏枕何歸歟理舟楫江海正無波

杜甫風疾舟中伏枕書懷呈湖南親友三十

六韻一首

軒轅休製律虞舜罷彈琴尚錯雄鳴管猶傷半死心
聖賢名古邈羈旅病年侵舟泊常依震湖平早見參
如聞馬融笛若倚仲宣襟故國悲寒望群雲慘歲陰
水鄉霾白蚤楓岸疊青岑鬱鬱冬炎瘴濛濛雨滯淫
鼓迎方祭鬼彈落似鷓鴣與盡纔無悶愁來遮不禁
生涯相汨沒時物自蕭森疑惑尊中弩淹留冠上簪

牽裾驚魏帝投閣為劉歆
狂走終奚適微才謝所欽
吾安藜不糝汝貴玉為琛
鳥几重重縛鶉衣寸寸針
哀傷同庾信述作異陳琳
十暑岷山葛三霜楚戶砧
叨陪錦帳坐久放白頭吟
反樸特難遇忘機陸易沈
應過數粒食得近四知金
春草封歸恨源花費獨尋
轉蓬憂悄悄行樂病泔泔
瘞天追潘岳持危覓鄧林
蹉跎翻學步感謝在知音
却假蘇張舌高談周宋鐔
納流迷浩汗峻址得嶽峯
城府開清旭松筠起碧潯
披顏爭倩倩逸足竟駸
七朗鑒存患直呈天實照臨
公孫仍恃險侯景未生擒
書信中厚闊干戈北斗深

畏人千里井問俗九州
箴戰血流依舊軍聲動至今
葛洪尸定解許靖力還任
家事丹砂訣無成冰作霖
艱危

杜甫逃難一首

五十白頭翁南北逃世
誰踈布纏枯骨奔走苦不暖
已衰病方入四海一塗炭
乾坤萬里內莫見容身畔
妻孥復隨我回首共悲嘆
故國莽丘墟隣里各分散
歸路從此迷涕盡湘江岸

杜甫羗村三首

崢嶸赤雲四日脚下平地柴門
鳥雀噪歸客十里至

妻孥恠我在驚定還拭淚世亂遭飄蕩生遠偶然遂
隣人滿墻頭感歎亦歔歔夜闌更秉燭相對如夢寐

二

晚歲迫偷牛還家少歡趣嬌兒不離膝畏我復却去
憶昔好追涼故繞池邊樹蕭蕭北風勁撫事煎百慮
賴如禾黍收已覺糶康注如今足斟酌且用慰遲暮

三

羣鷄正亂叫客至鷄闢爭驅鷄上樹木始聞扣柴荆
父老四五人問我久遠行手中各有携傾榼濁復清
苦辭酒味薄黍地無人耕兵革既未息兒童盡東征

請為父老歌艱難媿深情歌罷仰天嘆回坐淚縱橫

杜甫解憂一首

減米散同舟路難思共濟向來雲濤盤衆力亦不細
呀坑瞥眼迴飛檣本無帶得失瞬息間致遠宜恐泥
自慮視安危分明曩賢計茲理庶可廣拳拳期勿替

盧照鄰行路難一首

君不見乎安城北渭橋邊枯木橫槎卧古田昔日含
紅復含紫常時留霧亦留烟春景春風花似雪香車
玉輦恒闐咽若個遊人不兢攀若箇娼家不來折娼
家寶抹蛟龍帔公子銀鞍千萬騎黃鶯一上向花嬌

唐詩類苑 卷之六十一 人部 九 杜荀鶴
青鳥雙雙將子戲千尺長條萬尺枝月桂星榆相蔽
虧珊瑚葉上鴛鴦鳥鳳凰巢裡鷓鴣兒巢空枝折飛
鳳去條枯葉落任風吹一朝憔悴無人問萬古摧殘
君詎知人生貴賤無終始倏忽須臾誰久恃誰家能
驅西山日誰家能堰東流水漢家陵樹滿秦川行來
行去盡哀吟自昔公卿二千石咸擬榮華一萬年不
見朱唇將玉貌唯聞青棘與黃泉金貂有時須換酒
玉塵但搵莫計錢寄言坐客神僊署一生一死交情
處蒼龍闕下君不留白鶴山頭我應去雲間海上覓
難期赤心會合在何時但願堯年一百萬長作巢田

也不辭

張紘行路難一首

君不見溫家玉鏡臺提携抱握九重來君不見相知
綠綺琴一撫一拍鳳凰音人生意氣須及早莫負當
年行樂心荆王奏曲楚妃歎曲盡歡終夜將半朱樓
銀閣正平生碧草青苔坐蕪淪當春對酒不須疑視
日相看能幾時春風吹盡燕初至此時自為稱君意
秋露萎草鴻始歸此時衰暮與君遠人生反覆何常
定誰保容顏無是非

李頎古行路難一首

漢家名臣楊德祖四代五公享茅土父子兄弟縮銀
黃躍馬鳴珂朝建章火浣單衣繡方領茱萸錦帶玉
盤囊賓客填街復滿座片言出口生輝光世人逐勢
爭奔走瀝膽噓肝惟恐後當時一顧登青雲自謂生
死長隨君一朝謝病還鄉里窮巷蒼苔絕知已秋風
落葉閉重門昨日論交竟誰是薄俗嗟上難重隙深
山麋鹿可為鄰曾連所以蹈東海古往今來稱達人

高適行路難二首

長安少年不少錢能騎駿馬鳴金鞭五侯相逢大道
邊美人絃管爭留連黃金如斗不敢惜片言如山莫

弃捐安知憔悴讀書者暮宿灵臺私自憐

又

君不見富家翁舊時貧賤誰比數一朝金多結豪貴
百事勝人健如虎子孫成行滿眼前妻能管絃妾能
舞自矜一身忽如此却笑傍人獨愁苦東隣少年安
所如席門窮營出無車有才不肯學干謁何用年七
空讀書

崔顥行路難一首

君不見建章宮裏金明枝萬萬長條拂地垂二月三
月花如霰九重幽深君不見豔彩朝含四寶宮香風

吹入朝雲殿漢家宮女春未闌愛此芳香朝暮有來
看去有心不忘攀折將安鏡臺上雙雙素手剪不成
兩兩紅粧笑相向建章昨夜起春風一花飛落長信
宮長信麗人見花泣憶此珍樹何嗟及我昔初在昭
陽時朝攀暮折祭王墀只言歲歲長相對不寤今朝
遙相思

李白行路難三首

金樽清酒斗十千玉盤珍羞直萬錢停杯投筯不能
食拔劍回顧心茫然欲渡黃河水塞川將登太行雪
滿山閑來垂釣碧溪上忽復乘舟夢日邊行路難行

路難多岐路今安在長風破浪會有時直掛雲帆濟
滄海

又

大道如青天我獨不得出羞逐長安社中兒赤鷄白
狗賭梨栗彈劍作歌奏苦聲曳裾王門不稱情淮陰
市井笑韓信漢朝公卿忌賈生君不見昔時燕家重
郭隗擁篲折節無嫌猜劇辛樂毅感恩分輸肝剖膽
效英才昭王白骨縈爛草誰人更掃黃金臺行路難
歸去來

又

唐詩卷之六十一
有耳莫洗頽川水有口莫食首陽蕨含光混世貴無
名何用孤高比明月吾觀自古賢達人功成不退皆
殞身子胥旣奔吳江上屈原終投湘水濱陸机雄才
豈自保李斯稅駕苦不早華亭鶴淚詎可聞上蔡蒼
鷹何足道君不見吳中張翰稱達生秋風忽憶江東
行且樂生前一盃酒何須身後千載名

賀蘭進明行路難五首

君不見東流水一去無窮已君不見西郊雲日夕空
氛氲群雁徘徊不能去一鴈悲鳴復失群人生結交
在終始莫以升沉中路分

二

君不見雲中月暫盈還復缺君不見林下風聲遠意
誰窮親故平生或聚散歡娛未盡樽酒空歎息青丘
陵上朽歲寒能有幾人同

三

君不見芳樹枝春花落盡蜂不窺君不見梁上泥秋
風始高燕不棲蕩子從軍事征戰蛾眉嬋娟守空閨
獨宿自然堪下淚况復時聞烏夜啼

四

君不見門前柳榮耀幾時滿索久君不見陌上花狂

唐詩類苑 卷之六十九 人部 十三
風吹去落誰家鄰家思婦見之嘆蓬首不梳心歷亂
盛年夫婿長別離歲暮相逢色凋換

五

君不見岩下井百尺不及泉君不見山上苗數寸凌
雲烟人生相命亦如此何苦太息自憂煎但願親交
長含笑相逢不乏杖頭錢寒夜邀歡須秉燭豈得常
思花柳年

孟雲卿行路難一首

君不見高山萬仞連蒼旻天長地久成埃塵君不見
長松百尺多勁節狂風暴雨終摧折古今何世無聖

賢吾愛伯陽真乃天金堂玉闕朝群僊拍手東海成
桑田海中之水慎勿枯烏鳶啄蚌傷明珠行路難艱
險莫躊躇

張琮蜀道難一首

梁山鎮地險積石阻雲端深谷下寥廓層巖上鬱盤
飛梁駕絕嶺棧道接危巒攬轡獨長息方知斯路難
李白蜀道難一首

噫吁嚱危乎高哉蜀道之難難於上青天蠶叢及魚
鳥開國何茫然爾來四萬八千歲不與秦塞通人烟
西當太白有鳥道可以橫絕峨眉巔地崩山摧壯士

死然後天梯石棧相鈞連上有六龍回日之高標下
 有衝波逆折之回川黃鶴之飛尚不得過猿猱欲度
 愁攀綠青泥何盤七十步九折縈巖巒捫參歷井仰
 脇息以手撫膺坐長嘆問君西游何時還畏途巉巖
 不可攀但見悲鳥號古木雄飛雌從繞林間又聞子
 規啼夜月愁空山蜀道之難難于上青天使人聽此
 凋朱顏連峰去天不盈尺枯松倒挂倚絕壁飛湍瀑
 流爭喧豨砢崖轉石萬壑雷其險也如此嗟爾遠道
 之人胡為乎來哉劔閣崢嶸而崔嵬一夫當關萬夫
 莫開所守或匪親化為狼與豺朝避猛虎夕避長蛇
 磨牙吮血殺人如麻錦城雖云樂不如早還家蜀道
 之難上青天側身西望長咨嗟

唐詩類苑卷之六十九 人部 一三五
唐詩類苑第六十九卷終

之權... 血... 早... 家... 置... 置...
... 天... 天... 天... 天... 天...
... 天... 天... 天... 天... 天...

唐詩類苑第七十卷

仁和卓明卿澂父編輯
華亭張之象玄超

長洲毛文蔚豹孫同校

人部

感舊

太宗經破薛舉戰地一首

昔年懷壯氣提戈初仗節
心隨朗日高志與秋霜潔
移鋒驚電起轉戰長河決
營碎落星沈陣卷橫雲裂
一揮氛沴靜再舉鯨鯢滅
於茲俯舊原厲目駐華軒

唐詩類苑卷之六十九 人部 一三五
長洲毛文蔚豹孫同校

沈沙无故迹滅竈有殘痕浪霞穿水净峯霧抱蓮昏
世途亟流易人事殊今昔長想眺前踪撫躬聊自適

許敬宗奉和聖製經破薛舉戰地應制一首

混元光大象長策挫修鯨於斯建宸極由此創鴻名
一戎乾宇泰千祀德流清垂衣凝庶績端拱鑄羣生
復整瑤池駕還臨官渡營周遊尋曩迹曠望動天情
惟宮面丹浦帳殿暎宛城虜場棲玖穗前歌被陸英
戰地耳泉湧陣處景雲生普大沾凱澤相攜欣頌平

玄宗行次成臯途經先聖擒建德之所緬思
功業感而賦詩一首

有隋政昏虐群雄已交爭先聖按劍起叱咤風雲生
飲馬河洛竭作氣嵩華驚克敵皇圖就擒俘帝道亨
頽歎嗣寶曆恭承天下平幸過剪鯨地感慕仁且英

張說奉和聖製行次成臯經先聖擒建德之

所一首

夏氏皆隋乱自言河朔雄王師進谷水兵氣臨山東
前掃成臯陣却下洛陽春義合帝岳起威加天宇同
軒臺百年外虞典一巡風戰罷忠土業倚馬賦神功

張九齡奉和聖製行次成臯經先聖擒建德

之所一首

天命誠有集王業初惟艱翦商自文祖夷項在茲山
地識斬蛇處河臨飲馬間威加昔運往澤流今聖還
尊祖頌先烈賡歌安用攀紹成卽我后封岱出天關
蘇頲奉和姚令公溫湯舊館永懷故人盧公

一首

樹德豈孤蕩降神良並出偉茲廊廟中調彼益梅實
正悅虞垂舉翔悲鄭僑卒同心不可忘父臂何爲失
清路荷前幸明時稱右弼曾聯野外遊尚記帷中密
新慟情莫遣舊遊時史述空令還和辱長歎知音日

張說至尉氏一首

夕次阮公臺嘯歌臨爽愷高名安足賴故物今皆改
吾兄昔茲邑遺愛稱賢宰桑中雉未飛屋上烏猶在
途逢舊畝吏城有同寮宋遠見咸相迎拂館來頃待
惠番千室有友于今四海始知魯衛間優劣相懸倍

盧藏用荅宋主簿一首

暮川罕停波朝雲無留色故人琴與詩可存不可識
識心尚可親琴詩非故人鳴皋初夢趙蜀國已悲陳
感化傷淪滅竟交惜未申冥期失幽報茲理諒今晨
前嗟成後泣已矣將何及舊感與新悲虛懷疇昔時
趙侯鴻寶氣獨負青雲姿群有含妙識衆象懸清机

唐詩卷之七十八
雄談盡物奪精義鮮人願在陰旣獨善幽躍自為疑
踈彼千里足傷哉一尉欺陳生富清理卓犖兼文史
思綢巫山雲調逸泯江水鏗絳哀忠義感激懷知己
負劔登蘇門孤遊入燕市浩歌去京國歸守西江趾
幽居探元化立言見千祀埋沒經濟情良圖竟云已
坐憶平生遊十載懷嵩丘題書滿古壁採藥遍巖幽
子微化金鼎仙笙不可求榮哉宋與陸名宦美中州
在亡一睽阻岐路方悠悠自余事山海及茲人世改
傳聞當世榮皆入古人名無復平原賦空餘鄰曲聲
泣對西川使悲訪北邙塋新墳蔓宿草舊闕毀殘銘

為君成此曲因言寄友生默語無窮事凋傷共此情

張九齡驪山下逍遙公舊居遊集一首

君子休清尚歸處有蕪資雖然經濟日無忘幽棲時
卜居舊何取休澣嘗來茲岑寂空人至高深獲我思
松澗聆遺風蘭沚覽餘滋往事誠已矣道存猶可追
遺子後黃金作歌先紫芝明德有自來奕世皆秉彝
豈與磻溪老崑起周大師我心希碩人逮此問元龜
怡悵旣懷遠沈吟亦省私已云寵祿過况在華髮衰
軒蓋有迷沒丘壑無磷緇感物重所懷何但止足斯

李白感舊憶崔宗之一首

崔郎中宗之遊南陽遺吾夫子琴撫之潛然感
舊

昔在南陽城唯食獨山蕨憶與崔宗之白水弄素月
時過菊潭上縱酒無休歇之此黃金花頽然清歌發
一朝摧玉樹生死如飄忽番我孔子琴上存人已歿
誰傳廣陵散但哭邛山骨泉戶何時明長掃狐兔窟

杜甫冬到金華山觀因得故拾遺陳公學堂

一首

涪石衆山內金華紫崔嵬上有蔚藍天垂光抱瓊臺
繫舟接絕壁杖策窮縈回四顧俯曾巖淡然川谷開

雪嶺日色死霜鴻有餘哀焚香玉女跪霧裡仙人來
陳公讀書堂石柱瓦青苔悲風爲我起激烈傷雄才

杜甫陳拾遺故宅一首

拾遺平昔居大屋尚脩椽悠揚荒山日慘淡故園烟
位下曷足傷所貴者聖賢有才繼騷雅哲匠不比肩
公牛揚馬後名與日月懸回遊英俊人多秉輔佐權
彥昭超王價郭振起通泉到今素壁滑洒翰銀鈎連
盛事會一時此堂豈十年終古立忠義感遇有遺編

杜甫過郭代公故宅一首

豪雋初未遇其跡或脫落代公通泉尉放意何自若

及夫登衮冕直氣森噴薄磊落見異人豈伊常情度
定策神龍後宮中翕清廓俄頃辨尊親指揮存頤托
群公見慙色王室無削弱迥出名臣上丹青照臺閣
我行得遺迹池館皆䟽鑿壯公臨事斷頽步涕橫落
高誅寶劍篇神交付冥漠

李華寄趙七侍御

自餘千行經弋陽至上饒山川幽麗思與雲卿
同遊邈不可得因叙疇年之素寄懷於篇云

槎檣曙江流江清山復重心愜賞未足川迴失前峯
凌灘復出浦曠然天地通弋陽青嵯峨開拆混元中

九潭魚龍窟僊成羽人宮陰奧潛鬼物精光動煙空
玄猿啼深艷白鵬戲葱蒙飛湍鳴金石激溜鼓雷風
兩濯萬木鮮霞照千山濃草間長餘綠花淨落幽紅
渚烟見晨釣山月聞夜春覆溪窈窕波涵石洶溶七
丹丘忽聚散素壁相奔衝白日破昏靄靈山出其東
勢排昊蒼上氣壓吳越雄迴頭望雲鄉此恨發吾衷
昔日蕭邵遊四人纔成童屬詞慕孔門入仕希上公
締卿陷非罪折我昆吾鋒茂挺獨先覺拔身渡京虹
斯人謝明代百代悲鷓鴻世故墜橫流與君哀路窮
相頽無死節蒙恩逐殊封天波洗其瑕朱衣備朝容

唐詩卷之十一
一別凡十年豈期復相從餘生得攜手遺此而尋翁
群遷失鶯羽後凋惜長松哀旅難重別悽七滿心曾
遇勝悲獨遊貪奇悵孤蓬禽尚彼何人胡爲束樊籠
吾師度門教授并躡遐蹤

李陽冰阮客舊居一首

阮客身何在僊雲洞口橫人間不到處今日此中行

王喬過故人舊宅一首

故人軒騎罷歸來舊宅園林閑不開唯餘挾瑟暖中
婦哭向平生歌舞臺

王維千塔主人一首

逆旅逢佳節征帆未可前窓臨汴河水門渡楚人船
鷄犬散墟落桑榆蔭遠田所居人不見枕席生雲烟

孟浩然傷峴山雲表觀主一首

小小學書劍秦吳多歲年歸來一登眺陵谷尚依然
豈意食霞客溘隋朝露先因之問問里把臂幾人前

孟浩然過故融公蘭若一首

池上青蓮宇林間白馬泉故人成異物過客獨潛然
既理新松塔還尋舊石筵平生竹如意猶掛草堂邊

孟浩然尋陳逸人故居一首

入事一朝畫荒蕪三逕休始聞漳浦卧奄作岱宗遊

唐詩類友卷之七十一
池水猶涵墨山雲已落秋今朝泉壑裏何處覓藏舟
駱賓王冬日過故人任處士書齋一首

神交尚投漆虛室罷困蘭網積窓文乱苔深履迹殘
雪明書帳冷水靜墨池寒獨此琴臺上流水爲誰彈
沈佺期少遊荆湘因有是題一首

峴北焚蛟浦巴東射雉田歲時宜楚俗耆舊在襄川
憶昨經過處離今二十年因君訪生死相識幾人全

張九齡故刑部李尚書荆谷山集會一首

嘗聞繼老聃身退道迷耽結字倚青壁疏泉噴碧潭
苔石隨人古烟花寄酒酣山光紛向夕歸與杜城南

丁僊芝長寧公主舊山池一首

平陽舊池館叔宣使人愁座卷琉璃黃簾簾垂白玉鈎
庭閑花自落門閉水空流追想吹簫處應隨仙鶴遊

李白對酒憶賀監二首并序

太子賓客賀公於長安紫極宮一見余呼余爲
謫僊人因解金龜換酒爲樂沒後對酒悵然有
懷而作是詩

四明有狂客風流賀季真長安一相見呼我謫仙人
昔好盃中物今爲松下塵金龜換酒處却憶泪沾巾

又

唐詩卷之十一
狂客歸四明山陰道士迎敕賜鏡湖水爲君臺沼榮
人亡餘故宅空有荷花生念此杳如夢淒然傷我情

杜甫懷舊一首

地下蘇司業親情獨有君那因喪亂後便有死生分
老能知明鏡悲來望白雲自從失詞伯不復更論文

杜甫過宋員外之問舊莊一首

宋公舊池館零落自陽阿枉道抵從人吟詩許更過
淹留問耆老寂寞向山河更識將軍樹悲風日暮多
儲光羲題慎言法師故房一首

精廬不住子自有無生鄉過客知何道徘徊鴈子堂

浮雲歸故嶺落月還西方日夕虛空裡時七聞異香

李頎題盧五舊居一首

物在人亡無見期閑庭繫馬不勝悲窓前綠竹生空
地門外青山如舊時悵望秋天鳴墜葉嶺岨枯柳宿
寒鷗憶君泪落東流水歲比花開知爲誰

太宗過舊宅二首

新豐停翠輦誰邑駐鳴笳園荒一徑斷臺古半堦斜
前池消舊水昔樹發今花一朝辭此地四海遂成家

又

金輿巡白水千輦駐新豐
紐落藤披架花殘菊破叢

唐詩類苑 卷之七十一 部
葉舖荒草蔓流竭半池空
紉佩蘭生逕舒圭葉剪桐
昔地一藩內今宅九圍中
架海波澄鏡韜戈器反農
八表文同軌無勞歌大風

許敬宗奉和聖製過舊宅應制一首

飛雲臨紫極出震表青光
自爾家寰海今茲返帝鄉
情深感代國樂甚燕譙方
白水浮佳氣黃星聚太常
參鳳鳴層閣鄩雀賀雕梁
桂山猶總翠蘅薄尚流芳
攀鱗有遺皓沐德抃稱觴

上官儀奉和聖製過舊宅應制一首

石闕清晚宴旋輿御早秋
神麾颺珠雨僊吹響飛流

沛水祥雲泛宛郊瑞氣浮
大風凝漢筑藂烟入舜球
翠梧臨鳳邸滋蘭帶鶴舟
偃伯歌玄化寔蹕頌王遊
遺簪謬昭獎珥筆荷恩休

玄宗巡省途次上黨舊宮一首并序

朕昔在初九佐貳此州未遇扶搖之力空俟海
沂之詠泊大橫入兆出處斯易一揮寶劍遽殺
瑤圖承曆效而順謳誰着天衣而岷區夏嗟乎
向時沈默駕四馬而朝京師今日逍遙乘六龍
而問風俗爰因巡省途次舊居山川宛然人事
無間忽其昇華周遊館宇觸目依然維迹異漢

皇而地如豐邑擊筑慷慨酌杯流連空想大風

題茲祥什

三年初擊浪九萬欲搏空大地猶驚否陰陽始遇蒙
存身明歷試佐貳昭融多謝時康理良慙寶劔功
長懷問鼎氣夙負拔山雄不學劉昆舞先歌漢祖風
英髦既包括豪傑自牢籠人事一朝異謳歌四海同
如何昔朱邸今此作離宮鴈沼澄瀾翠猿巖落照紅
小山餘桂馥長坂舊蘭蕙即是淹留處乘歡樂未窮
張說奉和聖製巡省塗次上黨舊宮應制一

首

葱鬱興王郡殷憂啓聖圖周成會西土漢武幸南都
歲卜鸞輿邁農祠鴈政敷武威稜外域文教靡中區
警蹕干戈捧朝宗萬玉趨舊藩人事革新豐國雄殊
壁有直龍畫庭餘鳴鳳梧叢觴祝堯壽合鼎獻湯厨
陽樂寒初變春恩蟄更蘇三首頒命服五稔復田輸
君賦大風起人歌湛露濡從臣觀玉葉方顧紀靈符
蘇頌奉和聖製巡省塗次上黨舊宮應制一

首

潞國臨淄邸天王別駕輿出潛離隱際小往大來初
東陸行春興南陽卽舊居約川星罕駐扶道日旂舒

唐詩卷之七十八
雲覆連行在風迴助掃除木行城邑望臯落土田疏
昔試邦興後今過俗僎予示威寧校獵崇護不陳漁
府吏趨宸袞鄉耆捧帝居悵傾三飲處閑整六龍餘
盛業銘汾鼎昌期應洛書願陪歌賦末留此蜀相如

劉希夷夜集張誼所居一首

江南成久客門館日蕭條惟有圖書在多情鬢髮凋
諸生陪講誦稚子給漁樵隱室寒燈靜空堵落葉飄
滄洲自有趣誰道隱須招

崔曙登河陽斗門見張貞期題黃河詩因以感寄一首

吾友東南美昔聞登此樓人從川上去書在壁中留
巖子好真隱謝公耽遠游清風初作興夏日復消愁
詩與文字古迹隨山水困已辜倉主望空見黃河流
榮樂春將晚悲涼物似秋天高不可問掩泣赴行舟

懷賢

張說五君詠五首

齊公生人表向天開鶴唳清論早揣摩玄心晚超詣
入相廊廟靜出軍沙漠霽見深呂祿憂舉後陳平討
其心除君惡足以報先帝

二

唐詩類苑卷之七十八部
十二
許公信國積克美具瞻情百事資朝問三章廣世程
處高心不有臨節自為名朱戶傳新戟青松拱舊塋
淒涼丞相府餘慶在玄成

三

李公實神敏才華乃天授睦親何用心處貴不忘舊
故事遵臺閣新詩貫宇宙在人忠所奉惡我誠將宥
南浦去莫歸嗟上茂孫秀

四

代公舉鵬翼懸飛落海霧志康天地屯適與雲雷遇
興衰一咲決安危萬心注大勲書王府窄命淪江路

勢傾北夏門哀靡東平樹

五

耿公山岳秀才傑心亦妙鷲鳥峻標音辰玉扣清調
協贊休明啓思華日月照何意瑤臺雲風吹落江徼
湘流下潯陽泪洒一投吊

王維濟上肆賢詠

崔錄事一首

解印歸田甲賢哉此丈夫少年曾任陝晚節更為儒
遁世東山下因家滄海隅已聞能狎鳥余欲共乘桴

成文學一首

唐詩苑 卷之十 部 十一 齊 本
寶劍千金裝，登君白玉堂。身為平原客，家有邯鄲娼。
使氣公卿座，論心遊俠場。中年不得志，謝病客遊梁。

鄭霍二山人一首

翩翩繁華子，多出金張門。幸有先人業，早蒙明主恩。
童年且未學，內食鶩華軒。豈乏中林士，無人薦至尊。
鄭公老泉石，霍子安丘樊。賣藥不二價，著書盈萬言。
息陰無惡木，飲水必清泉。吾賤不及議，斯人竟誰論。

高適三君詠并序

開元中，適遊於魏郡。北有故太師鄭公舊館，里
中有故尚書郭公遺業，邑外又有故太守狄公

生祠焉。觀物增懷，遂為三君咏。

魏鄭公一首

鄭公經綸日，隋氏風塵昏。濟代取高位，逢時敢直言。
道光先帝業，義激舊君恩。寂寞卧龍處，英靈十載冤。

郭代公一首

代公實英邁，津涯浩難識。擁兵抗矯徵，仗節歸有德。
縱橫負才智，願盼安社稷。流落勿重陳，懷哉為悽惻。

狄梁公一首

梁公乃貞固，勲烈垂竹帛。昌言太后朝，潛運儲君策。
待賢開相府，共理察方伯。至今青雲人，猶是門下客。

杜甫八公咏八首并序

傷時盜賊未息興起王公李公嘆舊懷賢終于
張相國八公前後存歿遂不詮次焉

司空王公思禮

司空出東夷童稚剝勁翮追隨燕薊兒穎銳物不隔
服事歌舒翰意無流沙磧未甚拔行問犬戎大充斥
短小精悍姿屹然強寇敵貫穿百萬衆出入由咫尺
馬鞍懸將首甲外控鳴鏑洗劔青海水刻銘天山石
九曲非外蕃其王轉深辟飛兔不近駕鷲鳥資遠擊
曉達兵家流飽聞春秋癖胷中日沈靜肅上自有適

潼關初潰散萬乘猶碎易偏裨無所施元帥見手格
太子入朔方至尊狩梁益胡馬纏伊洛中原氣甚逆
肅宗登寶位寒望勢敦迫公時徒步至請罪將厚責
際會清河公聞道傳王冊天子拜跪畢讜議果冰釋
翠華卷飛雪熊虎亘阡陌屯兵鳳凰山帳殿涇渭關
金城賊咽喉詔鎮雄所搃禁暴靖無雙爽氣春浙瀝
巷有從公歌野多青匕麥及夫哭廟後復領太原役
恐懼祿位高悵望王土窄不得見清時嗚呼就窀穸
永繫五湖舟悲甚田橫客千秋汾晉間事與雲水白
昔觀文苑傳豈述廉藺績嗟此鄧大夫士卒終倒戟

司徒李公光弼一首

司徒天寶末北收晉陽甲胡騎攻吾城愁寂意不愜
人安若泰山薊北斷右脇朔方氣乃蘇黎首見帝業
二宮泣西郊九廟起頽壁未散河陽卒思明僞臣妾
復自碣石來火焚乾坤穢高視笑祿山公又大猷捷
異玉冊崇勲小敵信所怯擁兵鎮河汴千里初安帖
青蠅紛營七風雨秋一葉內省未入朝死淚終映睫
大屋去高棟長城掃遺堞平生白羽扇零落蛟龍匣
雅望與英姿惻愴槐里接三軍晦光彩烈士痛稠疊
直筆在史臣將來洗箱篋吾思哭孤冢南紀阻歸楫

扶顛求蕭條未濟失利涉疲薶竟何人洒涕巴東峽

左僕射鄭國公嚴公武

鄭公瑚璉器華岳金天晶昔在童子日已聞老成名
嶷然大臣後復見秀骨清開口取將相小心事友生
閱書百紙盡落筆四座驚歷職匪父任嫉邪常力爭
漢儀尚整肅胡騎忽縱橫飛傳自河隴逢人問公卿
不知萬騎出雪涕風悲鳴受詞劍閣道謁帝蕭關城
寂寞雲臺伏飄飄沙塞旌江山少使者笳鼓凝皇情
壯士血相視忠臣氣不平密論貞觀體揮發岐陽征
感激動四極聯翩收二京西郊牛酒冉原廟丹青明

唐詩類苑卷之七十八
臣汲俄寵辱衛霍竟哀榮四登會府地三掌華陽兵
京兆空柳色尚書無履聲羣鳥自朝夕白馬休橫行
諸葛蜀人愛文翁儒化成公來雪山重公去雪山輕
記室得何遜韜令延子荆四郊失壁壘虛館并逢迎
堂上指圖畫軍中吹玉笙豈無戎都酒憂國卽細傾
時觀錦水釣問俗終相并意待犬戎滅人藏紅粟盈
以茲報主願庶或禪世程炯七一心在沈七二豎嬰
顏回竟短折賈誼徒忠貞飛旄出江漢孤舟轉荆衡
虛爲馬融笛悵望龍驤坐空餘老賓客身上媿簪纓

太子太師汝陽郡王璣

汝陽讓帝子眉宇真天人虬鬚似太宗色映塞外春
往者開元中主恩視遇頻出入徂非時禮異見群臣
愛其謹絜極倍此骨肉親從容聽朝後或在風雪晨
忽思格猛獸苑囿騰清塵羽旗動若一萬馬肅駭七
詔王來射鴈拜命已挺身箭出飛鞞內上又回翠麟
翻然紫塞翻下拂明月輪胡人雖獲多天笑不爲新
王每中一物手自與金銀袖中諫獵書扣馬火上陳
竟無銜檠虞聖聰矧多仁官免供給費水有在藻鱗
匪唯帝老大皆是王忠勤晚年務置醴門引甲白賓
道大容無能永懷待芳茵好學尚真烈義形必沾巾

唐詩類苑卷之七十八
十七
揮翰綺綉揚篇什若有神川廣不可泝慕久狐兔隣
宛彼漢中郡文雅見天倫何以開我悲泛舟俱遠津
温温昔風味少壯已思紳舊遊易落滅衰謝多酸辛

秘書監江夏李公邕

長嘯宇宙間高才日陵替古人不可見前輩復誰繼
憶昔李公存詞林有根抵聲華當健筆洒落富清製
風流散金石追琢山岳銳情窮造化理孝貫天入際
干謁走其門碑版照四裔各滿深望還森然起凡例
蕭七白楊路洞徹寶珠惠龍宮塔廟湧浩劫浮雲衛
宗儒俎豆事故吏夫書計眇昧已皆虛跋涉曾不泥

向來映當時豈獨歡後世豐屋珊瑚鈎麒麟織成罽
紫駟隨劔几義取無虛歲分宅脫驂間感激懷未濟
衆歸賙給吏擺落多藏穢独步四十年風聽九臯唳
嗚呼江夏姿竟掩宣它袂往者武后朝引用多寵嬖
否臧太常議面折二張勢衰俗凜生風排蕩秋旻霽
忠貞負冤恨宮闕深旒綴放逐早聯翩低垂困炎厲
日斜鵬鳥入竟斷倉梧帝榮枯走不暇星駕無安稅
幾分漢庭竹夙擁文侯篲終悲洛陽獄事近小臣敝
禍階初負謗易力何深濟伊昔臨淄亭酒酣託未契
重叙東都別朝陰改軒砌論文倒崔蘇指畫流水逝

唐詩卷之二十一 八
近伏盈川雄未甘特進非張相國相扼一危脆
爭名古豈然鍵捷歛不閉例及吾家詩曠懷掃氛翳
慷慨嗣真作咨嗟玉山桂鍾律儼高懸鯤鯨噴迢迢
坡陀青州血蕪沒汶陽瘞哀贈竟蕭條恩波延揭厲
子孫在如綫舊客舟疑滯君臣尚論兵將帥接燕薊
朗詠六公篇晏來豁蒙蔽

故秘書少監蘇公源明

武功少也孤徒步客徐充讀書東岳中十載老墳典
時下萊蕪郭忍飢浮雲巘負米晚爲身每食臉必泫
夜字照蕪薪垢衣生碧蘚庶以勤苦志報茲劬勞願

學蔚醇儒姿文包舊史善洒落辭幽人歸未潛京輦
射策君東堂宗匠集精選制可題未乾乙料已大闡
文章日自負椽吏亦累踐晨趨閭闔內足踏宿昔趼
一麾出守還黃屋朔風卷不暇陪八駿虜庭悲所遣
平生滿樽酒斷此朋知展憂憤病二秋有恨石可轉
肅宗後社稷得無逆順辨范曄頌其兒李斯憶黃犬
秘書茂松意載從祠壇墀前後百卷文枕藉皆禁巒
篆刻楊雄流溟漲本末淺青熒芙蓉劍羸兒豈獨剗
反爲後輩藪予實苦懷緬煌七齋房芝事絕萬手舉
垂之俟來者正始徵勸勉不要懸黃金胡爲投乳贖

唐詩卷之十一
結交三十載吾與誰遊衍榮陽復具寘罪罟以橫眉
嗚呼子逝日始泰則終蹇長安米萬錢凋喪盡餘喘
戟伐何當解歸帆阻清沔尚纏漳水疾來負蒿里餓
故著作郎貶台州司戶榮陽鄭公虔

鷄鶻全魯門不識鐘鼓饗孔翠望赤霄愁思離籠養
榮陽冠衆儒早聞明公賞地崇士大夫况乃氣清爽
天然生知姿學立游夏上神農或闕漏黃石愧師長
藥纂西極名共流指諸掌貫穿無遺恨會最何技庠
圭臬星經與虫篆丹青廣子雲窺未徧方朔諧大枉
神翰顧不一體變鐘蕪兩文傳天下口大字猶存榜

昔獻書畫圖新詩亦俱往滄洲動玉陛寡鶴設一響
三絕自御題四方尤所仰嗜酒益踈放彈琴視天壤
形骸實土木親近唯几杖未曾寄官曹突兀倚書幌
晚就芸香閣胡塵昏塊菴反覆歸聖朝點染無滌盪
老蒙台州椽泛七浙江槩履穿四明雪飢拾榘溪椽
空聞紫芝歌不見杏壇丈天長眺東南秋色餘暉颺
別離慘至今班白徒懷曩春深泰山秀葉墜清渭朗
劇談王侯門野稅林下鞅操紙終夕酣時物集遐想
詞場竟踈闊平昔濫吹獎百年見存歿牢落吾安放
蕭條阮咸在出處同世網他日訪江樓含悽迷飄蕩

故右僕射相國張公九齡

相國生南紀金璞無留礦僊鶴下人間
獨立霜毛整矯然江海思復與雲路永
寂寞想七階未遑等箕穎上君白玉堂
倚君金華省碣石歲崢嶸天地日蛙
龜退食吟大庭何心記榛梗骨驚畏
曩哲鬢變負人境雖蒙換蟬冠右地
慙多幸敢志二疏歸痛迫蘇耽井
紫綬映暮年荊州謝所領庾公興
不淺黃霸鎮每靜賓客引調同
颯詠在務弄詩罷地有餘篇終語清
省一陽發陰管淑氣含公鼎乃知
君子心用才文章境散帙起翠螭
倚薄巫廬並綺麗玄暉擁牋詠任
昉騁

自我一家則未闕隻字警千秋
滄海南名繫朱鳥影歸老守故林
恋闕情延頸波濤良史筆蕪絕大
庾嶺向時禮數隔制作難上請再
讀徐孺碑猶思理烟艇

